

Veer prins Pim I en prinses Djuna I besjermers van het Waterratte- en Oelewappersriek, kleinvorst van Sjuuteeanjd, tot ut kesjtiel, kleinvorstin van de Sjtasjewear tot in Genék, same bewakersj van de jeug voetbal Sjènne/Adveo en es vastelaovends trio van groep 8, maake veer bie dizze bekend.

Artikel 1

Dat ich ut hiel sjiek ving dat ich jeugprins bin en dat ich saame mit Djuna es mien prinses en Stan es ozze nar dit jaor de kar trikke moch.

Artikel 2

Dat ich hiel greutsj bin om hie mit Pim es miene prins, en Stan es ozze nar te sjtaon. Ich begoos es kleuterprinses en noe..... jeugprinses..... en wae wit euver ein paar jaor.....

Artikel 3

Dat ich veurig jaor nar waor dat vong ich super sjiek....., meh prins waere is miene druim dee noe oet kump. Zeker mit miene biste vrund Stan es nar.

Artikel 4

Dat mich vastelaovend viere in ut blood zit, ut is mich mit de paplaepel ingegaeve. Ich bin 11 jaor en dit is de 11^e optoch dae ich mit laop ut begoos likend in de kingerwage en noe op de prinsewage.

Artikel 5

Dat de voetbalclub errig greutsj mot zin op os alle 3 es lid, en veer auch verwachte völ voetballesj te zeen tiedens de vastelaovend hie in Sjènne in dizze narretempel.

Artikel 6

Dat veer es sjaolverlaotesj van groep 8, mit de cito sjuus achter de rök, same mit de ganse sjaol en alle luuj oet Sjènne der eine vet, coole en gezellige vastelaovend van maake.

Artikel 7

Dat de jeugraad zich bezig hilt om jonk en auwt korter biejein te bringe, dus mit de vastelaovend haup ich dit auch te zeen.

Artikel 8

Dat alle kenjer os motte belaoove dat ze neet op vakantie gaon mer nao dizze narretempel kome om mit os te danse, sjpass en plezeer te maake de ganse vatelaovend lank.

Artikel 9

Dat veer haupe dat veer Prinssame mit ziene wieze raad van mier dan ellef dek maoge zeen en dat veer der saame ein knallende vastelaovend van maake.

Artikel 10

Dat miene opa Jul zich mit dees daag weer ins get dékker leet zeen want nao bienao 50 jaor optoch laupe is dit toch zeker de kroen op zien wirik om mich hie te zeen sjtaon.

Artikel 11

Dat veer os auwesj , de jeugdcarnaval, jeugdprins Sem, jeugdprinses Liëlle, hunne nar ichzelf, Prins Marcel, nar Maurice, Wendy en jekerein dae veer vergaete zin bedanke veur de sjaone vastelaovend van veurig jaor en veur dae tied dae noe noch komme mot.

Gegaeve in ozze narretempel te Sjènne op zondig 6 februari 2011
sjeete veer aaf mit ein driekreftig ALAAF.

ALAAF

ALAAF

ALAAF